



四溟山人全集卷之十九

東郡 謝榛 著

東郡 蘇濱

赤城 陳養才 全校

東郡 新安 張季彦 程兆相 全閱 詳校

七言絕句二百一十四首

登輝縣城見衛水思歸

城外河流白練長城中萬戶共秋光秋來偏作還家
夢河水東流到故鄉

古意二首

百轉轆轤金井深美人汲水梧桐陰流雲在天日將
暮獨有寒泉知素心

郎種菊花何遠離秋來花發倍相思玉京郎醉菊花
酒不見故園霜露枝

俠客行

獨過酒肆據胡牀指點銀瓶索酒嘗連盞鯨吞不辭
醉直驅白馬赴長楊

公子行

京洛王孫日有期千金買馬恨行遲隔花忽見遊春
女笑舉絲鞭問阿誰

老將行

虬髯丈夫乘鐵驄自言征戰老雲中憑陵伏劍出門
去原上枯桑鳴朔風

題蘇子長荷花

僊姿濃澹骨同清憶在西湖更有情落月輕煙似相
妬不教秋色兩分明

侯道士山居

道人庭戶長蓬蒿搗藥松窻山月高欲向赤城尋舊
處秋來夢涉海門濤

塞上曲四首

秋生關塞曉霜飛日上轅門探騎歸百戰將軍驚白髮不知凋敝幾征衣

旌旗蕩野塞雲開金鼓連天朔鴈回落日半山追點虜彎弓直過李陵臺

飛將龍沙逐虜還夜驅駝馬入燕關城頭殘月誰橫笛吹落梅花雪滿山

暮雲黯澹壓邊樓雪滿黃河凍不流野燒連山胡馬絕何人月下唱涼州

胡笳曲四首

沙磧茫茫黑水流胡兒六月換羊裘駝背上吹蘆

管風散龍荒作冷秋

碧眼胡王貂鼠衣天寒走馬獵金微彎弧仰歟雙鵬

下日晚穹廬帶雪歸

甌城住傍黑山坡白草高於黃駱駝閒殺單于聽番曲醒時殊少醉時多

蕭蕭寒色起邊雲秋草平沙部落分牧馬陰山莫南向漢家今有李將軍

下天壇山值雨

名山勝事本難期洞裏燒丹老鶴知白石青蘿千折路曉衝煙雨獨歸遲

晚登玉清閣

仙家樓閣壓羣山，簷外星辰歷可攀。
童子燒香松月樹，半空清磬落人間。

郭壽卿園亭同申伯憲牛國禎醉賦

郭家亭榭倚松篁，把酒臨池幽興長。
人在千山秋色裏，晚來雲氣滿衣裳。

古怨

阿郎裘馬欲從軍，空說邊庭有戰雲。
夜夜青樓買歌舞，愁人風雨不曾聞。

昭君二首

黃金爭賂掖庭空，玉貌當年傲畫工。
漢使南歸無復語，龍城落木起悲風。
貂裘出塞犯胡霜，馬上琵琶怨調長。
枉殺畫師終古議，天教玉骨葬窮荒。

寄諸葛隱君

我憶詩人諸葛鯨，看花幾醉錦宮城。
竹枝滿耳巴童唱，一和陽春到楚聲。

郭中書雨中招飲南園因病不赴二首

伏枕連朝秋欲來，僊郎揮麈候池臺。
雨中空返青絲騎，花底誰傳白玉杯。

見說風流郭舍人投壺花下醉芳晨柏梁有賦鳴當
代誰念文園一病身

九月雪

鴈拂同雲過戍樓菊花含凍不成秋迷茫夜擁金微
路未寄寒衣人正愁

冬夜聞笛

雪後寒雲散御隄笛聲何處重淒淒北風吹折邊城
柳人倚層樓月正西

送周秀才歸錢塘

燕京陌上送周郎歸到西湖春草長清夜開樽多舊

侶滿船歌管月如霜

少年行

燈下呼盧幾夜殘今秋召募到長安相期白刃清狐
塞要使黃金飾馬鞍

寄吳峻伯二首

仙帆曾約薊門遊醉聽吳歌下碧流千里雲山成寂
寞北風吹鴈到湖州

天目霜飛萬壑空興來孤唱倚丹楓不知人對關山
月夢落西湖秋色中

春日寄王學甫時守汝南

春來不寄豫州書人隔黃河千里餘杖屨還尋舊官
舍古槐深院是誰居

悟公房漫書

白日祇園鳥不飛松牕習靜故相依老僧于把竹如
意遙指孤雲何處歸

秋大雨柬張翰林子維

七月都門成巨川客居沉竈悵秋天晴明騎馬難相
訪太史應書大雨年

宿香山寺

客路幾年懷舊社禪房信宿對殘缸老夫不作人間

夢月上松蘿秋滿牕

九日酌鈔右賓宅

老病逢君慰旅愁異鄉佳節暫相留黃花解使騷人
醉不是東籬冷淡秋

暮秋有感寄藥侍御孔原二首

潘鬢年來白幾莖回看郡邑尚徵兵秣陵誰復愁搖
落江上秋風變楚聲

別後封章天上聞幾經秋草未逢君于今漫憶藥巴

酒漢殿迷茫愁暮雲

是歲三殿災

送鍾季烈奔喪豫章

郎官纔轉漢西曹
白舫歸心日夜勞
帝殺檣烏孤月慘
九江寒色起風濤

酬劉中丞道甫見寄二首

開府孤吟黃鳥邊
薊門相別幾華年
西南古道分三楚
江漢春雲共一天

鎮靜天南屬望遙
久知章疏重當朝
柳絲青拂江城路
長送春風入楚謠

寄武當山張隱君二首

辭官身寄楚天涯
石屋燒丹別是家
七十二峰春雪裏
杖藜隨意看梅花

雲岩深處獨逍遙
海鶴傳書昨見招
月下定逢王子晉
玉笙吹下摘星橋

張子畏鎮巴郡書久不至賦以懷之

旌旄西去幾思君
今代能爲諭蜀文
望斷中原書不到
三巴遙隔萬山雲

夢張肖甫

素琴遙憶美人彈
夢到銅梁落月寒
江口蘋花忽相見
不知行路蜀中難

屈平

初著離騷去國年
獨醒懷抱轉悽然
汨羅不作西流

水終古愁雲在楚天

諸葛孔明

京國東西總陸沉
驅兵六出見憂深
漢家陵廟摧風雨
五丈原頭夜半心

同呂子性吳子有昆弟遊北印山

共眺印山酒半醺
千年陵墓總浮雲
天風吹落笙簧曲
不使王侯地下聞

吳母太夫人哀詞二首

柳穿白魚江上來
金盤一薦轉多哀
武昌官柳淒涼色
嗚咽江聲去不回

城上烏啼正夜分
歸魂遙逐楚江雲
故園春筍空成竹
冷雨淒風不忍聞

溫純甫過鄴時有嵩山之約愆期而來純甫已使湖南矣因觀壁上有作感而賦此二首
中天靈秀拔峰巒
有約西來最後看
君采三花向荆楚
少林踈雨夕陽寒

欲隨旌節渡黃河
先後登攀誰興多
二室磨崖不同賦
白雲相待滿松蘿

留別張德隆

來時積雨沒平原
去路鳴蟲秋正繁
桂樹花開如有

興紫騮嘶過孝王園

得胡懋誠書

尺素相期近有憑馬蹄東去是寧陵欲論騷雅虛樽
酒獨坐西窗夜半燈

雨後柬王體仁

雪夜還能擢剡溪雨餘何事怯衝泥自憐窮巷多秋
草不見青驄向北嘶

中秋宴集西泉亭子同顧聖少李承華醉賦

我來清夜挹金波伯仲當樽半醉歌迺兄清同宴無限梁
園桂花樹天香暗入舞衣多

九日攜酒過王叔野無菊二首

陶潛懶漫閉柴關九日餐英自解顏不種黃花君更
懶滿城秋色幾人閒

南窗對客倒綸巾籬落無花節序貧不待白衣還酌
酒知君未是獨醒人

道院秋夕

秋河一帶月光團露坐空除夜欲闌却訝西樓降仙
子玉笙吹徹萬家寒

方國瑞惠菊

有客栽培菊幾枝能分秋色要新詩即今易老陶彭

澤不管清霜獨立時

答袁履善過鄴留別

當朝直氣獨峻嶒十載爲郎得竟陵清興宛看西署
月白龍湖上照春冰

送陳秀才歸吳二首

家近楓橋兵火餘鄴中多病感離居秋風歸去尊鱸
美江上逢人問捷書

西園幾度共春缸縹緲孤帆秋渡江好去吳門延舊
侶菊花香滿讀書窗

鄒子序見過談及喪事有感五首

吳客攜家幾歲寒可憐十口半彫殘江淮迢遞淹歸
櫬蜀道于今未是難

羸馬西來數問津霜天回首益思親洞庭多少黃柑
樹不見茅堂釀酒人

鼓盆今日愴吳謳尚憶條桑南陌頭誰織寒衣寄千
里亂蛩啼老故山秋

寂寞芳魂何所之未完婚嫁向平悲湖天南望春何
慘腸斷梅花冰雪姿

湖上青山舊業存橘花春冷白沙村遙思社日鄰翁
醉燕子飛來空閉門

別調曲代贈所知四首

家住鄴城門向西青樓上與鄴城齊郎行好記門前
柳春蕙草來路不迷

離筵易醉夜將分趙舞燈前猶向君從此腰肢瘦無
力牀頭閒殺藕絲裙

木落天寒郎欲行樽前離怨一鳴箏燕姬織手誤新
曲不是西樓今夜聲

白馬乘春遊帝都百花門巷暎羅襦君心肯照妾顏
色還寄海南明月珠

怨歌行二首

淡妝寂寞妾愁深若箇濃妝歡至今郎到薊門傳尺
素誰知濃淡在郎心
長夜生寒翠幕低琵琶別調爲誰悽君心無定如明
月纔照樓東復轉西

遠別曲

阿郎幾載客三秦好憶儂家漢水濱門外兩株烏柏
樹叮嚀說向寄書人

搗衣曲

秦關昨寄一書歸百戰郎從劉武威見說平安收涕
淚梧桐樹下搗征衣

漁父歌

舟停蒲葦夜涼多
漁父乘酣一放歌
獨坐江天月正
午不知老去幾風波

琴歌

幽人懷抱對芳蘭
月下橫琴漫一彈
誰識山中白雪
調夜深能使萬松寒

趙王枕易殿下壽歌四首

爲客長依帝子門
鄴中衣食長兒孫
老妻亦解南山
祝今日焚香共感恩

老臣隨拜殿庭間
三十年前覩睿顏
自信虞卿願留

趙著書長許一身閒

華殿日高松柏枝
瓊筵錦瑟奏新詞
十千斗酒還成

醉國士酬恩當自知

百年知遇古來難
海內于今說建安
幾向西園駐飛
蓋風雲不盡老相看

春宮詞

笙歌長在玉樓東
月上千門春不同
莫怪畫圖欺漢
帝昭君何限老深宮

秋宮詞

內苑秋風木葉殘
班姬曾爲賦齊統
六宮何處無愁

思不斷陰蟲泣夜寒

桃花

溪上蒸霞千萬枝
隔林黃鳥願春遲
不催洞裏秦人老
解使宮中漢女悲

繡毬花

高枝帶雨壓雕闌
一帶千花白玉團
怪殺芳心春歷亂
捲簾誰向月中看

桂花

金粟輝輝秋滿枝
內園清露獨開時
天香莫遣西風妬
吹落深宮君不知

紅梅

西方仙子服丹砂
幻作江天第一花
未合上林疑暮雪
偏宜大庾映朝霞

水仙花

月爲精魄水爲神
素質先迎雪裏春
羅襪凌波斷行迹
誰能喚起弄珠人

酬賈子脩見寄

客子孤吟逼歲殘
停雲縹緲正西看
趙襄城郭千山外
一騎書來雨雪寒

東園春暮

風吹桃李點芳塵稚子能收滿掬春無限菜花飛蛺蝶不將春事惱幽人

漳河雨後

隔林啣軋來漁舸白鷺背人飛不高却訝衡漳一夜雨幾家村落生秋濤

訪葛徵君

西城閒訪葛洪家籬落秋餘白苧花高枕自知無俗夢數椽茅屋在煙霞

暮秋溪上卽事

秋深露冷荻花間沙岸無人鶴自還坐據清流一片

石西風不動釣絲閒

勅封御史孫公威卿哀詞爲其子益之賦五首

蜀地論文思已孤眉山誰共弔三蘇白頭著述青氈在庭樹霜寒啼夜烏

載書迢遞到賢關落落才名俎豆間清苦半生不自道天留冰雪滿燕山

解組滇南遠世紛至今高蹈說參軍一朝忽棄蒼藤杖寂寞溪山慘暮雲

松蘿深處舊書齋有子青雲慰老懷却謝鄰翁遽長

往淒風木葉下空階公歷仕四任眉州教諭綿竹縣尹國子監學正雲南衛參軍

徹上人見過值雪

茅堂延坐起茶煙自信詩家半入禪
談罷楞嚴衝雪去茫茫無際雨花天

寄懷范堯卿

老來黃鳥更愁聞兩度春風不見君
書到日南心萬里碧鷄山下有停雲

送張戶部道卿還省中二首

離筵歌罷動清飈直北關河入望遙
日暮飛帆向天際不知暗度海門潮

抱病祇園幾度看僊郎別我去長安
他時定議談禪處雲隔鐘聲二水寒

吳逸人希召壽歌四首

家住新都天際看庭松直上拂雲端
年年此日薦松子莫種吳山依歲寒

山茶花發映亭臺何物相看比壽杯
不盡蒼茫浙江水遙從故里玉山來

文輝北斗應中堂七子相隨舞袖長
信是名流能獻頌雲霞五色滿錢塘

今歲今朝甲子新還周甲子醉芳晨
梅花早發西湖

上不異黃山萬樹春

題陶隱君庭松

獨殿春光結粉花，徂徠拾子種君家。
虛窓不定蒼虬影，坐聽寒濤月又斜。

送吳二少陸歸洞庭山省親二首

遊子驚心歲暮歸，篋中時檢舊斑衣。
白頭應念齊城客，其兄少呂春動江湖鴈北飛。

鶴髮相輝堂上人，吳天遙望瑞雲新。
洞庭酒熟梅花發，同醉沙村幾樹春。

寄楊明府子庸悼內二首

潘令孤吟太愴情，燈花慘淡照寒更。
琴中流水當時調，翻作秋江風雨聲。

西風池上落芙蓉，宦邸蕭條坐暝鐘。
窻下空餘錦機字，半天殘月泣秋蛩。

長春歌壽溪南吳母四首

中庭嘉樹上朝暉，七十從來具慶稀。
金母寄書深有意，不教青鳥更西飛。

鶴鳴煙浦日蒼茫，佳氣凌晨動北堂。
二十四溪春水發，新都地脉本來長。

為薦瑤池千歲桃，深宵尚奏八琅璈。
雲開北斗兒孫

祝二簇煙松月正高

卮酒相輝不老容
庭闈春煖度歌鐘
仙人來獻丹泉術
遙指黃山第四峰

感舊贈李子華

風雨無眠共異鄉
每聽風雨憶連牀
逢君却坐清秋月
他夜陰晴兩意長

遊蘇門山不果柬蔡侍郎二首

勝事良辰多偶然
蘇門蘿月客心懸
忽驚枕上來風雨
疑是空山聽百泉

孫登西望渺蒼煙
風起嘯臺秋颯然
爲報匡時蔡司

馬野人懷抱異當年

春宮二首

花間御水照春心
幾處恩波自淺深
多少蛾眉爭買賦
相如應是厭黃金

金屋春寒繡幕垂
晚風零落幾花枝
君恩不逐紅顏改
獨有深宮明月知

春閨

郎去燕南又向齊
別時猶記玉驄嘶
孤燈門掩忽風雨
楊柳橋邊春夢迷

春詞

少娥妝罷下青樓，緩步春風不解愁。
笑撲飛來雙蛺蝶，花間忽墮玉搔頭。

寄懷孫前峰祭酒五首

越東文物冠京華，忠孝名全太史家。
草詔玉堂人不見，夜寒明月在梅花。

文章接迹兩司成，建業尚書奕世名。
東閣擬招天下士，不知後有漢孫弘。

君家麟鳳集雲階，清廟笙鏞古調諧。
猶憶江城時共賦，越山秋氣壓千崖。

珊瑚竒樹自天工，日月精華結海中。
幾獻君王得珍

愛飛塵不到建章宮

偉才多出古姚州，共道詞臣班馬流。
喬木當門百年盛，白雲橫斷海天秋。

寄懷張鳳磐學士四首

學士仙才自一家，天孫機上織雲霞。
金莖吸露能清思，更咀池塘白藕花。

秀奪中條元氣開，青雲路轉鳳城隈。
明光起草勞神思，夜色蒼茫海月來。

金明秋色湛冰壺，興到成章骨自殊。
煙火不餐仙氣定，神遊海上得玄珠。

平子才高賦兩京，懸知金馬擬齊名。
春深阿閣桐花老，鳳鳥時聞天外聲。

寄恭順侯吳松川誠意伯劉淮河二絕句

千年柱石兩元功，厚祿還應報國同。
封爵再加勲業著，都城甲第共春風。

幾度相招醉月明，客中每愛五侯鯖。
至今窮老踈消息，何處閒雲落鳳城。

寄酬黎瑤石員外二首

當年過鄴訪玄暉，五嶺從來鴈不飛。
明月神交無遠近，海天秋思兩依依。

南海明珠把翫時，美人相映出塵姿。
羅浮絕頂曾臨眺，賦得梅花春幾枝。

寄文五峰逸人二絕句

江南形勝數金陵，寫不藏真有愛憎。
昨夢蔣侯來說爾，滿天風雨半樓燈。

半醉吳歌何處遊，白雲寄意不勝秋。
乘風欲落秦淮水，遮莫尋君傍酒樓。

寄門人王少海秀才三首

憶昔敲門數問奇，幾年豹變且能詩。
黃河浩蕩橫中夏，原出崑崙人共知。

送爾登龍志不違日隨東閣竟同歸王生同嚴養齋閣老病南歸
可憐客散長安陌獨有南枝越鳥依
歸去還從支道林秣陵遊覽壯吳吟雨花臺上談禪
夜水月虛涵妙悟心

晚登沁州城有感二首

蒼茫野色幾沙灘漳水東流倚堞看煙火滿城天向
夕一鷗飛過不知寒
客子登臨望野田銅鞮城上月初懸清光偏照農家
婦織得春衣辦稅錢

送徐進士子繩謫建陽少尹五首

長亭別酒見平生越水吳山去國情欲采江蘼何處
泊一帆秋雨聽潮聲

九霄宮闕絳雲垂上有仙人謫武夷三十六峯爭秀
色秋風莫負幔亭期

建溪城外有仙壇梅福山空落月寒不向清朝學仙
尉還依北斗望長安

望浙峯頭秋葉彫望京樓上斷鴻遙應思舊日看花
處走馬蘆溝第一橋

九石潭空龍獨眠三春雷雨建陽天荔枝花發啼黃
鳥閩海迢迢望日邊

送爾登龍志不違日隨東閣竟同歸王生同嚴養齋閣老病南歸
可憐客散長安陌獨有南枝越鳥依

歸去還從支道林秣陵遊覽壯吳吟雨花臺上談禪
夜水月虛涵妙悟心

晚登沁州城有感二首

蒼茫野色幾沙灘漳水東流倚堞看煙火滿城天向
夕一鷗飛過不知寒
客子登臨望野田銅鞮城上月初懸清光偏照農家
婦織得春衣辦稅錢

送徐進士子繩謫建陽少尹五首

長亭別酒見平生越水吳山去國情欲采江蘼何處
泊一帆秋雨聽潮聲

九霄宮闕絳雲垂上有仙人謫武夷三十六峯爭秀
色秋風莫負幔亭期

建溪城外有仙壇梅福山空落月寒不向清朝學仙
尉還依北斗望長安

望浙峯頭秋葉彫望京樓上斷鴻遙應思舊日看花
處走馬蘆溝第一橋

九石潭空龍獨眠三春雷雨建陽天荔枝花發啼黃
鳥閩海迢遙望日邊

送劉將軍赴南都

江風吹擢送人寒一劍橫秋秣自看應過淮陰弔韓
信月明曾照漢家壇

送陳駕部錫卿還錢塘省親五首

司馬旌旗下九重三江秋色上芙蓉故鄉南去四千
里雲外遙看天柱峯

朝浮揚子潮聲遠夜泊蘆花月影孤應念倚門今白
髮長風吹夢到西湖

東吳日出櫂歌聲帆外風煙遊子情八月太湖秋正
好不知已過闔閭城

白雲千里故園心海上青山辨武林燕鴈度江天渺
渺吳楓接岸日陰陰

片帆飛去拂雲霞月滿中秋應到家人在長安望南
國隔江春信寄梅花

秋懷

秋來客思渺煙波湖上看山秋更多秣恐佳人怨秋
色晚風吹斷采菱歌

送王夢白歸吳次韻四首

八月浮雲滿帝畿長江風送一帆歸臯橋無限黃花
酒莫遣秋霜上客衣

送劉將軍赴南都

江風吹櫂送人寒
一劍橫秋祗自看
應過淮陰弔韓
信月明曾照漢家壇

送陳駕部錫卿還錢塘省親五首

司馬旌旗下九重
三江秋色上芙蓉
故鄉南去四千里
雲外遙看天柱峯

朝浮揚子潮聲遠
夜泊蘆花月影孤
應念倚門今白髮
長風吹夢到西湖

東吳日出櫂歌聲
帆外風煙遊子情
八月太湖秋正好
不知已過闔閭城

白雲千里故園心
海上青山辨武林
燕鴈度江天渺渺
吳楓接岸日陰陰

片帆飛去拂雲霞
月滿中秋應到家人在
長安望南國隔江春信寄梅花

秋懷

秋來客思渺煙波
湖上看山秋更多
祗恐佳人怨秋色
晚風吹斷采菱歌

送王夢白歸吳次韻四首

八月浮雲滿帝畿
長江風送一帆歸
臯橋無限黃花酒
莫遣秋霜上客衣

朝度海門生白波天涯知己惜無多
清秋忽憶山中侶誰伴橫塘采芰荷

擊楫高歌氣不羣秋風吹落大江雲
黃金臺上初歸客白鶴橋西舊隱君

張翰東歸尚黑頭石湖重理舊漁鉤
不知人對燕山月笛裏梅花獨夜愁

春感

孤鴻遙自楚天來久客驚心賦七哀
獨憶當年多酒伴看花幾過魏王臺

春草

雨中愁色望中繁別賦偏銷南浦魂
望斷天涯春欲暮萋萋猶自怨王孫

送何叔節下第還江都二首

南國論文復幾人敝裘羸馬向風塵
廣陵歸去正煙雨二十四橋楊柳春

獻賦南歸且釣蓑射陽湖上白雲多
明春鴈度應相憶獨采蘋花聽櫂歌

烏棲曲四首

月出春江照芳芷思君夢度瀟江水
花裏朱扉向曉開雙蛺蝶正飛來

池亭獨坐愁落暉欲采芰荷製君衣一寄天涯當自
惜君身不染風塵色

別時梨樹栽東園幾年結實秋正繁霜前一摘甘可
食蕩子不來長太息

鉛華零落倚空樓春到梅花儂更愁雪滿江城日欲
暮不見阿郎去時路

送皇甫水部之荊州五首

聞道美人荆楚行片帆風色度江城夕陽欲下復何
處九十九洲芳杜情

襄陽小泊訪山公樽酒心期異代同江上楚聲聽不

盡銅鞮爭唱月明中

郢都南去渺煙濤遙憶風流何水曹日暮亂山秋色
裏采蘭應傍楚江皋

煙沙漠漠水淙淙估客千帆入漢江天畔高樓動秋
興白雲紅日坐開窗

大江千折蜀中來西望黃牛煙霧開知爾登臨最能
賦至今庾信有高臺

章行人景南自潞州復之大梁寄二首

西盡千山驛道平天連上黨見孤城王孫爭識皇華
使芳草應多薊北情

黃河南去訪鄒枚駐節花邊苑開鴻鴈至今悲帝
子風光猶是舊池臺

五嶽吟五首

海東黃鳥送書來欲上天門把玉杯萬壑風雲隨杖
屨狂歌醉舞漢王臺

南嶽夫人寄紫芳清秋約我過衡陽祝融峰上踏歌
去二十五溪煙水長

漠漠秦雲望欲迷好乘鴻鵠過關西盤空鐵索三千
丈玉女峯頭日月低

恒嶽孤高天外看懸崖如削路盤盤夜來夢落通玄

谷白石蒼藤月色寒

汗漫中原逸興濃洛陽南去訪僊踪杖藜長揖淨丘
伯五色雲垂太室峰

塞下曲十首

北狩君王竟復還天陰萬鬼哭狼山而今燕趙多豪
俠驅馬橫戈出九關

都護防邊旦夕勞秋來天子賜征袍何當淨掃黃龍
塞白日飛霜上寶刀

明星低照白登臺向曉孤城鐵鎖開飛將窮荒搜點
虜夜驅駝馬入關來

青海城邊秋草稀
黃沙磧裏夜雲飛
將軍不寐聽刁斗
月上轅門探馬歸

月黑沙場鬼火青
隔河感築響龍庭
嫖姚歇馬風霜裏
遙望燕然欲勒銘

山西老將本英雄
不數當年衛霍功
多少黃金分壯士
三秋烽火照雲中

秋高沙漠斷鴻哀
大將旗翻風色來
落日半天追虜騎
彎弓直過李陵臺

窮邊寒日慘無光
沙草連天走白狼
百戰健兒爭射獵
秋風躍馬黑山陽

風吹榆柳作寒聲
直北龍沙一望平
雲壓旌旗飛暮雪
將軍坐嘯受降城

朔雲黯淡古今愁
十月交河凍不流
胡馬無聲關塞靜
征夫月下唱梁州

塞上古懷四首

胡笳一曲散邊聲
蔡琰于今怨未平
六月海山飛木葉
極天秋氣動龍城

荒外烏鳶結陣飛
琵琶聲斷自斜暉
北風夜夜吹青冢
恨殺蛾眉竟不歸

冬月風高白草長
天空絕漠已燒荒
少卿埋骨知何處

處昔日登臺幾斷腸

朔荒雲氣黑漫漫特地霜風墮指寒自是中郎能苦
節橫天一鴈過長安

漠北詞六首

大漠蕭蕭黑水流胡兒七月換羊裘駱駝背上吹蘆
管日暮長風動地秋

委羽山橫塞北天學飛鷁鴈夕陽邊匈奴歲歲無爭
戰白馬黃駝傍草眠

石頭敲火炙黃羊胡女低歌勸酪漿醉殺群胡不知
夜鷓兒嶺下月如霜

曉開氈帳擁秋雲虜將揮鞭部落分牧馬陰山莫南
向鴈門今有李將軍

碧眼胡王出打圍角鷹欲下兔如飛一瓢蘆酒驅寒
色雪滿西山夜不歸

虜使燕京納貢回春風相送過榆臺單于無事耽歌
舞夜敞穹廬海月來

趙王枕易百卉亭聯句二首

吾家亭子百花圍簾捲東風蝴蝶飛枕斗酒十千須
盡興滿園春色照人衣榛

遲日微風作好春漫將詩句報花神枕樽前待上河

間頌松柏千年伴主人

寄李內翰仲西

春日芳樽獨解顏
玉堂金闕五雲間
看花忽憶當年事
半醉相將踏月還

春別曲

鷓鴣雙飛下野塘
別情無那楚天長
官橋柳外青驪馬
百尺遊絲送阿郎

清涼山漫興

野夫隨意訪禪家
策杖歸來嶺日斜
白石青林春氣冷
山童吹笛落梅花

懷甫中鄭僉憲德卿二首

當時樽酒見情多
桂海移官不復過
獨憶樓船相送處
夕陽飛鳥度西河

閩海茫茫孤月明
幾時同賞慰平生
荔枝花上帝春鳥
地北天南萬里情

斑馬歌贈別

斑馬翩翩遊帝畿
五侯金埒日相依
明年惆悵石橋路
首宿花開歸不歸

大梁雜興五首

梁孝池臺迹已陳
鄒枚去後復何人
黃鸝百轉日西

下柳外長煙依舊春

獨登高塔俯中州一線黃河天外流坐倚半空成浩
嘯白雲南去見高丘

三老遺蹤在吹臺好風華月爲誰來騷人意會千年
上半醉掀髯坐石苔

飛樓縹緲暮雲間上有紅妝竟日間遙望玉驄馳九
陌魏家公子射鵰還

梁國河山草樹空英雄異代氣相同侯生慷慨無餘
恨獨立夷門嘯晚風

秋夜聞笛

天空月白見峯巒橋下泠泠秋水寒長笛驚迴老蛟
夢道人獨倚石欄杆

遊金燈寺二首

長林巨壑斷人踪駐馬移時撫碧松日夕禪關不知
處一聲犬吠隔雲峰

策杖穿林知幾重禪家清磬隔雲峰再來洞壑難尋
處好記懸崖一古松

四溟山人全集卷之十九 終

Blank manuscript page with vertical columns.



